

ПОСЛАНИЕ

ПРЕПОДОБНАГО ІОСИФА ВОЛОКОЛАМСКАГО ВЪ ИНОКУ ИКОНОПИСЦУ.



Подобаеть ти вѣдати, возлюбленный духовный мой брате, яко сказаніе отъ Божественныхъ писаній, еже послахъ по Бозѣ твоей любви того ради, понеже множицею глагола ми о семъ, и многа времени требуеши отъ мене худаго слышати слово, во душевную тебѣ посигъ-вающее ползу, и памяти ради моего недостойнства, яко да и по смерти моеи поминаеши мое окаянство, Но не яко же ты мниши, возлюбленне, мы силни есмы въ дѣлѣхъ и словесѣхъ; вси убо немощь мою, и удобна тебѣ моя худость; но яко не просиши отъ мене улокоевающее плоть, но ко спасенію душевнаго устроения, сего ради забыхъ свою худость и неразуміе. Поминая твою вѣру и усердіе, еже о блазѣ тщаніе, и повелѣнная тобою совершихъ. Дерзнухъ написати твоему Боголюбию и послати твоего убо чаянія недостойно, наша же крѣпости не худше, но обаче, яко же мню, ныгышнему вѣку подобно, яко нынѣ паче мнози лестцы изыдоша въ міръ, Новгородскихъ глаголю еретиковъ, глаголющихъ, яко не подобаеть поклонятися иже отъ рукъ человѣческихъ сотвореннымъ вещемъ, сврѣчь, всесестнымъ иконамъ, и честному и животворящему кресту, и прочимъ божественнымъ и освященнымъ вещемъ, ихъ же Господь нашъ освяти и прослави въ новѣй благодати. Тебѣ же ключимо сіе написаніе того ради, яко самому ти началоху-дужнику сушу божественныхъ и честныхъ иконъ живописанію. На три же слова того ради положихъ, яко первое слово потребно есть, еже со еретики пре-

тися, глаголющими, яко не подобаеть поклонятися рукотворенію. Въ томъ бо изывится Божественнымъ писаніемъ въ ветхомъ законѣ отъ пророкъ же и отъ праведныхъ, яко и тогда поклоняхуся рукотворенію, сврѣчь, церкви, яже тогда нарицаешя скниія, еще же и Соломоновѣ церкви, иже въ нихъ честибѣйшимъ вещемъ, ихъ же самъ Богъ повелѣ въславу свою творити. Второе же слово всякому христіанину потребно есть, паче же не имѣющимъ многихъ книгъ, иди не вѣдующимъ Божественныхъ писаній, втои бо изывится Божественнымъ писаніемъ новаго закона, отъ Апостолъ же и Святитель и Преподобныхъ и Богоносныхъ Отецъ нашихъ, како и которыя ради вины подобаеть поклонятися святымъ Иконамъ и честному и животворящему Кресту, и святому Евангелію и пречистымъ и божественнымъ Тайнамъ и освященнымъ сосудомъ, внихъ же божественная таинства совершаются, и Святыхъ мочамъ и божественнымъ церквамъ. Потомъ же вкратцѣ написахъ, како и которыя ради вины подобаеть поклонятися Царемъ, и Княземъ, и како подобаеть нынѣ въ новѣмъ законѣ Господу Богу поклонятися, и тому единому послужити. Третіе слово на еретики, глаголющихъ, яко не подобаеть писати на святыхъ иконахъ святую и единосущную Троицу. Авраамъ, рече, видѣлъ есть Бога со двема аггеломъ, а не Троицу. Здѣ же имать сказаніе отъ Божественныхъ писаній, яко Авраамъ видѣ святую Троицу, и яко подобаеть христіаномъ писати на всесестныхъ иконахъ святую

и животворящую Троицу. Обаче да вѣдаешь твое Боголюбіе, яко не моя мысль суть сія, но отъ многихъ Божественныхъ писаній избрахъ, и вмалехъ многое совокупивъ, тебѣ послахъ. Вѣмъ бо, яко не имаша ты у себе многихъ книгъ. Ты же сія разумѣй, прочитая, и о моей худости Владыцѣ Христу молися, и яко же общася, и по смерти моей не забуди, яко гѣта уже къ старости приближишася и смертная чаша былія растворена уготовляется. Пти же ея со извѣщеніемъ сладко, безъ извѣщенія же горчайши пельня есть. Сего ради и святыи Пророкъ Давидъ молится, глаголя: Услыши молитву мою, Господи, и моленіе мое внуши, слезъ моихъ не премолчиши, яко преселникъ отъ тебе и пришлецъ, яко же вси отцы мои. Ослаби ми извѣщеніемъ, да почию. Извѣщеніе же безъ очищенія духовнаго не бываетъ; слезы же въ мятежи не бывають, понеже мятежъ помрачаетъ умъ и не оставляетъ его зрѣти своя согрѣшенія. Отъ сего приходятъ чловѣкъ во обычай небреженія и невниманія; небреженію же и невниманію вся страсти послѣдуютъ. Сіи путь въ гѣности живншихъ; сіе сокровище во мнѣ сокровенно. Сего ради боюся и трещу, еже пити смерная чаша; придетъ бо на мя, придетъ, и убѣгнути не могу. И аще воздушный и мерзкій князь темный и помраченный обращаетъ беззаконія моя и обличить, истинно восплакатися имамъ не полезно. Рабъ бо, увѣдавъ волю Господина своего, и не уготовивъ, ни сотворивъ по воли его, биевъ будетъ много. А еже Христа ради по вся дни пьють смертную чашу слезами

и злостраданіемъ, симъ чаша смертная нѣкая врачевница бываетъ, и пьють ея сладчайши меда и сота. Понеже быліе смертное здравіе душевное предуготовляетъ въ нетѣннемъ вѣцѣ, якоже оный благоговѣйный инокъ, иже бы хотѣлъ уврачевати своя грѣхи въ тѣнѣмъ семь вѣцѣ, приде къ нѣкоему и велику и духовну врачу, и рече къ нему: Имаша ли у себе быліе, иже можетъ грѣхи изцѣлити? и рече врачъ: Ей, истинный отче! Отвѣща же инокъ: и какова суть былія она? и рече къ нему врачъ: вьзди на гору, сирѣчь, въ пустыню, возми корень духовный, еже есть, Христа ради шипота и худость, и собери си листіе, еже есть алач и жажда, и прими миро Лаваново, еще есть смьреніе и страхъ Божій, и другое миро Индѣйско валанъ, еже есть цѣломудріе и чистота, и миро Халванъ, еже есть болящимъ служеніе и еже отъ нихъ бываемыя о тебѣ тепдыя молитвы. Истолчи все вкупѣ въ ступѣ послушанія, подѣйи ситомъ твоимъ чистымъ и благимъ житіемъ, и вложи ихъ въ чистый горнецъ въ себе, и влей въ него воду духовныя любве, и вжигай пламень божественнаго желанія подъ горнемъ сердца твоего, и егда сварниши ихъ добръ, вычерпи ихъ джичею, твою тихостію и безмолвіемъ, и вкуси ихъ духовными обычаи, и не возвратиса вспять во вся дни живота своего. Такова суть былія, иже грѣхи изцѣляютъ! Помолимся же и мы, еже и нашимъ душамъ наситатися таковаго враченія молитвами Пресвятыя Богородицы и всѣхъ Святыхъ. Аминь.

